



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Bernardini Scardaeonii Patauini Presbyteri de Castitate Libri Septem**

**Scardeone, Bernardino**

**Venetiis, 1542**

De fide & charitate, ac modestia, quae habenda sit inter coniuges cap. xxii

**urn:nbn:de:hbz:466:1-30433**

DE PVDICITIA MATRIMONII

jugalis deinde omnis zelotipia, siue suspicio amoris me-  
reticij procul ab uxorū mentibus amouenda: quę ubi  
semel ex quauis leui occasione subierit animum haud fa-  
cile sine aliqua maxima pernicie poterit ex earum polli-  
ea mentibus extricari. Quo circa hic grauius etiam cau-  
stigandi sunt quidam, qui de industria fictitios quospiam  
amores temere assimulant, quo uehementius, quasi pet-  
locum, exasperent, instigentq; suspicionibus uxores: nec  
animaduertunt interim imprudentes homines præter  
id, q; peccant grauius, ita maximum uitę discrimen sibi  
ex ea falsa causa posse cõflari, sicut etiam ex uera. Amou-  
uendę itaq; procul à matrimoniis omnes suspiciones, et  
ineptę nugę: atq; ab ineptis, & amarulentis huiuscemod-  
di iocis marito prorsus abstinendum, ut pote summum  
periculum, perniciemq; afferentibus. Quare pro certo  
scias in eo esse tibi nihilo magis à culpa, quàm a suspi-  
tione culpę cauendum: quę quidem haud facile potest  
culpa uacare, quin multorum sæpe malorum hæc ipsa  
suspicio causa sit. Quam ob rem ne te huius facti pecc-  
niteat, esto uxore contentus: & delectare, si sapias, uel in  
primis domestica pace, ac pari fermè ratione tam desin-  
stas falsas suspiciones inuicere, q̄ uera flagitia sectari. Bibe  
(inquit sapiens) aquã de cisterna tua, & fluuenta putei tur-  
& fastidias turbulētas, & graueolentes paludes meretrici-  
ciarum foeditatum: unde possis (ut te poeticiis uerbis cõ-  
mittam) plus haurire mali, q̄ ex re decerpere fructus.

PROU. 5.

De fide, & charitate, ac modestia quę habenda  
da sit inter coniuges. Cap. XXII.

**A**dhortandi mihi sane sunt hoc ipso in loco con-  
iuges, ut in matrimoniis santiendis nihil potius,  
aut optabilius planè ducant, q̄ studium mutue  
charitatis, ac fidei. Quod esse certe non potest, ubi aut  
aperte adulterii crimē interuenit, aut suspicio aliqua peti-

egrini amoris timetur. Nihil est. n. à conjugali charitate  
 magis auersum, q̄ eiusmodi suspiciones uel ioco, uel se-  
 rio matrimoniis commiscere. Nam qui amor, quæ cha-  
 ritas esse potest uxoris ad uirum, aut uiri ad uxorem, si  
 quod æquo iure inter se commune est, diuulgetur turpis  
 ter ad extraneos; Hem quid hoc est: si contumelia non  
 est; & quidem grauisissima; Non. n. quum ipsa tua sit, tu  
 alterius esse debes: quoniam ut dicit Appstolus. Vir nō  
 habet potestatem sui corporis, sed uxor. Nam quæ erit  
 in matrimonio amicitia: quæ præcipua esse debet, si fides  
 uioletur, quæ hosti etiam seruanda est, ne dum conjugii  
 Et. n. inter omnia amicitiaæ fœdera longe præcellit con-  
 nubialis fides, mutuaq̄; & domestica consuetudo coniu-  
 gum christianorum: quibus iure omnia communia sunt,  
 siue corporis, siue animi bona siue fortunæ fuerint. Siqui-  
 dem matrimonii uinculum ita fortunas fortunis, ita cor-  
 pus corporis, ita animum animo connectit, confunditq̄;  
 ut duo dicantur esse in carnem unam, sicut in sacris litte-  
 ris legitur, et quemadmodum Pythagoras diffiniuit esse  
 ueram amicitiam, duo corpora in anima una. Magnus  
 quidem debetur honor parentibus, præcipuus amor li-  
 beris, ingens consensus fratribus, sincera beniuolentia  
 amicis: at uxoribus fides in primis, & subinde hæc simul  
 omnia. A deo namq̄ superat connubialis charitas om-  
 nia fœdera, & arctissima quæq̄ uincula, ac omnes cu-  
 ius uis necessitudinis affectus, ut iure meritoq̄; (sicut in  
 eisdem litteris tradit) relinquere possit homo patrem, &  
 matrem, & sorores, & adherere uxori. Quod sane di-  
 ctum tantam, & tam arctam consuetudinem præ se fert  
 ut quid expressius dici, aut quid magis ad coniunctio-  
 nem animorū, corporumue atilnetē possit non uideā.  
 Quatenus uero diligenda sit uxor, ita edocet nos pau-  
 cis uerbis apostolus. Viri, inquit, diligite uxores uestras,  
 sicut, & Christus dilexit ecclesiam. Quæ dilectio maxi-  
 ma cerre fuit, atq̄; suprema. Neq̄; enim quispiam maio-

1. Cor. 7

Gen. 1.

Gen. 2.

Ephe. 5.

DE PVDICITIA MATRIMONII.

Joan. 15.

rem charitatem habere potest (ut ait dominus) quam ut animam suam exponat pro amicis suis. Tu ergo ex consilio Apostoli eandem debes charitatem, atq; dilectionem uxori, quam exhibuit seruator noster ecclesie, qua nulla excogitari maior potest, ut scilicet pro fide, & salute uxoris te rotum exponas, paratus etiam uitam, si sit opus, impendere, ut fecit ipse pro ecclesie salute. Dilige ergo uxorem ut decet, & non scortum, teq; serua, cui debes, & cuius es post Deum quicquid es totus. Neq; enim si deflorescat in ea nitor puellaris, & decor iuuentutis propterea contemnenda est, sed eo plus honoris & amoris, illi ipsi impendendum, & quod deest corpori, animi est charitate pensandum. Quanto autem in honore, & precio esse debeat dilectio, & concordia coniugalitatis, ex his quae in Ecclesiastici uolumine referuntur, plane liquet. In tribus inquit Ecclesiasticus placitum est spiritui meo, quae sunt probata coram Deo, & hominibus. Concordia fratrum: Amor proximorum: Vir & mulier bene consentientes.

Ecce. 25.

De nimio amore quorundam erga proprias uxores. Cap. XXIII.

Sed quoniam iam satis dictum arbitror, quomodo a Christianis hominibus uxores amandae sint, ac simul quam grauius delinquant, qui amore quem uxoribus debent, iniquè & foede ad meretrices conuertant: superest modo ut breuiter de immoderato etiam quorundam amore dicamus, qui & si erga uxores equus, & legitimus esse uideatur: tamen propter immodestiam, & ipse reprehensibilis est, & maxime fugiendus. Sunt enim qui adeo deperditè uxores amant suas, ut interdum eis omnia immodestè permittunt, serui, & (quod turpius est) lenones efficiantur uxorum, potius q̄ mariti. In matrimoniis quidem sicut semper odiū, ita & nimius